






屈翁山詩集卷第七

駕水徐肇元掄三選



七言絕句

花田

日落江城鼓角悲
花田牧馬暮歸遲
薜蘿尚帶羅裙色
滿地秋霜知不知

西樵山作

古木飛泉萬井中
茶人多戴杜鵑紅
歌聲真似鶯聲好
一路風吹聽不窮

卷七 七言絕句

家家洗藥有流泉
山上人耕盡耆田
婦女不知春色好
桃花一任落溪邊

招梁器圃

羅浮四百玉芙蓉
上有飛橋跨兩峰
君愛麻姑臺上月
歸來莫待海門鐘

山山雲裏肉芝肥
之子春深尚不歸
長恨鐵橋峰下水
東西分作兩泉飛

羅浮對酒謠

爲農祇是種花田
花換春醪不用錢
更向梅花村裏住
梅花持去酒如泉

裊裊飛猿下翠林
洞門花密畫長陰
松風吹盡人間事
不使興亡上客心

羅浮道中作

梅花處處解相迎
洞口無人問姓名
幾道飛泉天上落
亂隨風雨作秋聲

行逐飛泉上白龍
人人分得一芙蓉
一聲玉笛天邊起
吹落梅花四百峰

禹陽

二禹丹嶂削高天
四壁風雷響瀑泉
花滿石牀閒不掃
臥看秋月向人圓

卷七

七言絕句

七

灘上吟

裊裊松枝掛女蘿
猿聲故向月中多
征人一夕頭如雪

三峽三瀧奈爾何

瀧中

瀧在樂昌縣北凡有六曰穿腹瀧曰梅瀧曰寒瀧曰金瀧曰白茫瀧曰垂瀧

日日行舟穿乳竇
時時濯足弄蘿川
青山兩峽花相接
花裏泉聲應暮蟬

舟隨瀑水天邊落
白浪如山倒翠微
巨石有時亦却立
白鷗欲下復驚飛

百丈牽舟上瀑布
芙蓉亂落如烟霧
中流忽有石梁橫
咫尺梅瀧不可渡

一籠烟雨一龍睛
龍口鴛鴦夾岸迎
風送猿聲滿城郭
行人忽起故園情

蜂峰白練掛天低
溱水縈迴入武溪
日落漁舟不出峽
花中愛聽鷓鴣啼

萬疊奇峰接楚西
朝猿啼罷暮猿啼
三聲已下征夫淚
玉笛何須奏武溪

秋夕黃陵作

秋夕江潭瘴不成
林空鳥鵲亦多驚
風吹不盡瀟湘葉
散作天邊秋雨聲

送何子

卷七 七言絕句

三

江水隨君羈里流
年年天際一孤舟
浮雲我亦無家客
朝向瀟湘暮鶴樓

零陵

九峰九水落瀟湘
古木寒烟夾岸長
欲就重華寫哀怨
蒼梧何處但斜陽

江上望南嶽

五峰雪作九江水
迴雁晴連嶽麓雲
未到朱陵仍洞口
鐘聲已隔碧湘間

武昌江上作

黃鶴晴川枕翠微
二樓高挾大江飛
天生瑜亮雙年

一片雄風在石磯

廬山道中

雲際芙蓉十萬枝
雨餘巖壑更生姿
一天飛瀑隨風至
溼盡春衣人不知

采蓮號子

花莖雖比葉莖長
花氣何如葉氣香
寄語溪邊采蓮女
留將葉葉覆鴛鴦

石人峰下作

峰峰花發白雲香
雨過春泉迸石梁
七十二溪成一瀑
合流飛落玉湫長

卷七

七言絕句

四

石門有懷

亂石盤旋下白雲
雨餘潭底數峰分
天邊五老空招手
只見梅花不見君

山中寄周青子

朝來花露滴人香
睡起寒雲滿石床
欲剪水簾三十尺
挂君堂上共清涼

雨過三峽橋上作

二十四潭爭一橋
鶯泉噴薄幾時消
一山瀑布歸三峽
小小天風作海潮

一片鄱陽九水通
茫茫吳楚有無中
雲開忽見廬山影

半壁芙蓉挂白虹

華山頂諸水

玉井潛流作玉泉中間二十八潭懸水簾一道風吹斷
亂落芙蓉更可憐

蒲池太上東西瀑散作三峰雨雪來玉女洗頭餘碧水
至今長有白蓮開

華陰二蓮歌

太華蓮花並蒂春紅妝惱殺謫仙人千秋願作田田葉
雙捧蛾眉出玉津

萬仞蓮花挂碧天飛來蒼翠玉樓前美人雙倚仙人掌

卷七

七言絕句

五

舞袖迴風絕可憐

安生白鹿去翩翩玉女相將下紫煙自古仙人多好色

合丹不用獨枝蓮

寄玉山史

首陽太華何時合一道黃河苦間之愁絕白雲與秋色
風陵渡口望君時

樂遊原止尋終南隱者不遇

終南萬里帶秦天宮闕虛無蒼靄邊白閣尋君還紫閣
似聞清嘯出風泉

客雁門作

三年作客傍滹沱聽盡哀笳出塞歌白髮不驚明鏡滿
秋霜只怨雁門多

黑圪塔

黃水河西草接天蒼茫不見有人烟揚鞭日暮爭飛鳥
望斷孤城雨雪邊

柳

舞盡春風萬萬條白花飛送馬蹄遙如何只見人離別
歲歲年年此灞橋

別傅應州

紅顏三載老風沙處處人憐白鼻騎金盞何須更游俠

卷七

七言絕句

六

早將清泪別琵琶

雲州白草接天低一片邊聲亂馬嘶泪共桑乾流不盡
故人相憶白登西

山陰作

秋霜一夜凋榆柳馬上征夫最早寒邊女不須歌入塞
故鄉明月夢中看

雲州贈俞右吉

淚逐桑乾出塞流三年三度走雲州龍沙却喜無春草
不惹王孫日暮愁

東趙子實

一別黃河開白雲秦箏慷慨夢中聞春光不到昭陽殿
絕代紅顏却與君

歌舞休將換玉聰神仙只畏酒罇空雁門亦有芙蓉好
醉共鴛鴦入水中

送客

綠琴彈出碧茄聲出塞何如入塞清一曲送君千萬里
秋來應共雁南征

從塞上借內子南還賦贈

揮鞭北度雁門關夫婿相將萬里還入塞更須先出塞
不辭風雪損朱顏

卷七

七言絕句

七

西辭花馬池邊月東指樓煩嶺上雲往日于歸悲道遠
邊風吹淚濕羅裙

紅草東連白草溝紫河西入黑河流無邊織篥吹斜日
動爾思鄉一片愁

一疊雞唱整衣裳眉黛沾殘于夜霜行到白門春色滿
梅花爲爾點新粧

宋藥從今向白雲與卿攜手思氤氳仙人不肯輕離別
方朔絲來愛細君

筆花何似臉花妍蝴蝶新辭亦可憐珍重莫書桐葉社
奩中尚有浣花牋

與舉姜宿紅梅驛

南枝花白北枝紅紅是秦中白越中辛苦鴛鴦飛萬里
今宵始宿庾闌東

同李子自揚州至泰州作

邢蒨一水接長天清淺偏宜煖板

各船

榆柳蕭蕭三十

里北風吹雪凍成州

江南江北柳林中三日舟行苦朔風雙槳如飛吹不轉

秣陵東至海陵東

日落平田海氣凝風飄萬點艫船燈兩河水漲漁人喜

楓葉蘆花處處層

卷七 七言絕句

八

霜清水澗見漁磯網解何如齧鱗肥三十鹽塲多海味

一帆相逐故人歸

景陽宮

一江春水只流東六代繁華似夢中多謝垂楊與垂柳

依依猶向景陽宮

湖中懷沈武功

三江春水五湖通一片青天在鏡中日暮迴舟向林屋

梅花無數與誰同

天涯一片愁中月夜夜隨風落故鄉何日尋君來攜李

二湖相並似鴛鴦

洞庭錄別

紫塞歸來白髮長美人爭拂鏡中霜鴛鴦湖畔開樽酒

一曲明妃盡斷腸

萬里羅浮今又歸天生越鳥自南飛平生槁李多知己
爭送扁舟向夕暉

諸君亦渡太湖來煙雨離亭更折梅七十二峰空翠裏

一峰花落一峰開

花多不見數峰青如雪紛紛撲洞庭一片離憂似煙雨
東風吹暗采香溼

毛公壇畔一泉開流入寒松萬壑哀拂石爲君題姓字

卷七

七言絕句

九

風流長記七人來

贈施生

洞庭七十二峰長橘柚秋來香萬家我欲來棲范蠡宅

煩君石上掃蘿花

虎丘中秋夕

今宵三五足歡娛一片姑蘇似玉壺天作千人歌舞石

月華流滿錦瓘瑜

一帶船牕捲碧紗人人歌管鬪繁華吳王往日風流在

狂殺蘇臺十里花

真娘墓上玉簫聲十五當壚巧笑迎一自君王能好色

至今吳女盡傾城

夜宿觀山作

一夕無衣寐不成
觀山山上月淒清
松聲捲起寒江水
散作風聲與雨聲

明月娟娟似翠蛾
登高臨水奈君何
松聲欲捲愁心盡
花片猶沾血淚多

劇棊

秋玉相將日劇棊
鬼毫贏得筆枝枝
還家贈與青娥婦
細作真書寫楚辭

初秋有憶

卷七 七言絕句

十

一聲風雨錦衾涼
不待秋深鬢有霜
泉下美人相憶否
三年秋夜爲君長

喜陳獻孟屢過草堂口占贈之

之子相尋逐海潮
東樵朝別暮西樵
多情最似松間月
飛去飛來照寂寥

有憶

蕭郎謝女久分飛
一在黃泉一翠微
青鳥不傳天外信
可堪清淚日沾衣

蜀岡懷古

玉檻珠簾總一丘
春魂多半在迷樓
靡蕪亦愛雷塘路

十月青青自不秋

一路飛橋壓水低芙蓉多與酒船齊依依最是春柳
繫得君王不復西

春雲黯黯美人斜秋草萋萋帝子家一代紅顏在何處
可憐都作廣陵花

一片平蕪接海天江南山色墮樓前雙雙浮玉天風外
空翠飛來化作煙

寄程蝕菴

萬壑松聲吹次寥一朶飛作一天橋嗟君老作黃山客
獨采松花不我招

卷七

七言絕句

七

梅旅度曲以秋宵聞歌爲韻

一聲風雨客初愁不唱啼鳥淚已流今夕樽前須盡醉
黃花猶爲故人秋

明月高高廿四橋南絃北管坐相邀誰能卽策花驄去
不向揚州度此宵

萬里天河淡欲分玉杯飛處濕行雲多情最是齊梁曲
恨爾江南夜夜聞

神仙富貴未蹉跎自古英雄白首多請語梅花樓外月
清光長照玉人歌

戰血淋漓灑美人君王意氣委黃塵多情不渡烏江水
為有紅顏在草茵

江深閣眺望

在麓真

縹緲青山接燕磯風吹浮玉渡江飛誰家故起真州閣
收盡江南彩翠歸

題李咸若哺園

一路車篷夾听多一重官柳一重河天寒不惜牽舟苦
為有君園在薜蘿

青溪觀虞美人作

天生意氣逐重瞳

虞姬歌大王意氣盡賤妾何聊生

血作名花萬古紅

卷七 七言絕句

十一

開遍青溪與罌粟枝枝爭舞美人颯

罌粟芍藥多與虞美人雜植

一帶溪橋隱暮烟開殘芍藥馬蹄邊紅顏盡是閒花草

似爾虞兮自可憐

舊曲中皆在青溪

題寒山子圖

天半飛橋勢欲飛赤城霞作羽人衣天風不斷松間起
亂灑流泉濕翠微

席上吟贈林茂之八十翁

明月飛來珠海長愁心盡與白雲鄉高歌試問段卒老
我是今狂定古狂

贈張子歸西泠

御溝春水玉河通，夾岸花飛隨玉驄。欲贈君歸須芍藥。

佳人爭買點粧紅。

點粧紅芍藥之絕麗者

歸泛西湖水渺茫，家臨湖墅足蠶桑。梅花若向西谿問。

曲曲漁舟共陸郎。

謂靈思兄弟

文與也爲予寫西洞庭圖賦此以贈

夢中林屋樹蒼蒼，掩映人家橘柚黃。更有楊梅無數樹。

葡萄處處綠陰涼。

憑君點染包山翠，多寫毛公洞口松。掛向長安散炎暑。

一杯一朵玉芙蓉。

雁門七夕卽事

卷七 七言絕句

七

天邊明月不會愁，萬里清光上塞樓。我似微雲在河漢。

依依長抱玉盤遊。

一曲歸風響入雲，留仙爭把漢宮裙。思爲海燕巢君屋。

處處銜將蘭蕙芬。

豹突泉 在雁門關西門外

潏潏一道落桑乾，中有征人淚未寒。愁絕三雲驅馬去。

年年花向戰場看。

雲中詞

薄暮桑乾大獵還，紛紛雨雪暗關山。天寒不惜貂裘典。

一醉春光上玉顏。

懷沈武功

卿本佳人自不知相逢蔓草露零時
殷勤問我離騷賦欲共瀟湘采竹枝

悵望湖天祇去鴻洞庭花映白雲空
銀魚一尺春來美欲寄相思秀水東

白華園送客口號

白雨頻催荔子紅蟬聲涼帶芰荷風
林塘好是清和候無奈君行向海東

殘夢微茫逐水流送君帆席影沉浮
他時倘憶羅陽月應有音書到石樓

卷七

七言絕句

古

復歸沙亭東從兄泰士

故園又復返沙亭繞屋蜂蠻作画屏
兄弟行中吾與子遺書真解讀騷經

壬戌人日作

江山雖好恨無人不用鶯聲喚好春
人日與誰還燕飲英雄一一作青燐

玉河曲

二月流澌上玉河酒樓一一俯晴波
春衣笑向壚頭解醉擁琵琶臥紫駝

送諸駿男之蜀

從今淚應竹枝歌
秋夜猿聲三峽多
况復峨眉一片石
飛來飛去奈君何

春日雨花臺眺望有感

煙雨霏霏碧草齊
斷腸春在孝陵西
松楸折盡寒山露
無處堪容杜宇啼

春去風花飛更狂
馬蹄無主踏殘香
絲絲最恨河邊柳
日夕牽愁短復長

河陰戲贈老將

高柳城邊折柳多
送君千里渡榆河
美人駿馬平生物
欲贈其如白髮何

卷七 七言絕句

入蜀行

五

荆門西上卽瞿唐
一路猿聲莫斷腸
應有巫雲化神女
朝朝暮暮慰思鄉

湖上東宋子

誰駐蘭橈海上洲
不將明月照人愁
一聲風雨笙歌亂
始信仙人不下樓

留別弄縱軒

新梳墮馬可憐粧
獨少秦珠耳後光
此去青鸞池上買
歸來明月照蘭房

雷陽細葛雜銀條
一著涼風生舞腰
應倩織織蠻女手

爲卿織得比龍綃

銀條紗名

弄雛軒有贈

日斜花始渡江來一到雲鬢花盡開博奕輸卿花百串
將花結作素馨臺

學寫曹娥未就時閒來只愛弄花枝何當結得櫻桃子
不負春風作意吹

牡丹新髻出維揚衣帶題春句有香纖手把將團扇好
練巾攜拭口脂長

逢查逸遠

家在沙場不忍回他鄉秋色老相催憂心一片長如醉

不必貂衣換酒來

粧樓

粧樓寂寞委蒼苔春到梨花不忍開一片愁心亂如雲
東風吹去復吹來

從弟某折並蒂石榴花簪予冠側請作詩

枝枝霧滴紫金盤千葉歲蕤勝合歡花萼同心兄弟似
殷勤簪向御風冠

廣州荔支詞

朱櫻初日上窗紗鏡裏粧成陰麗華不用臙脂邊地草
但調南國露頭花

蓼浦之上花曰露頭花中有粉傅而光流采花曝日香落蘭油持爲膏沐

鬢美而柔荔子一種芳氣
同儔亦名露花珍果之尤

水上園亭向曉開主人嘗後鳥群來多情不忍和枝折

留取芳陰在綠苔荔子熟時主人未嘗
百鳥徘徊不敢銜將

枝枝交蔭釣魚磯翠鳥啾嘈食盡肥兩槩溪邊隨意摘

露華偏濕美人衣

一本分來花鬢頭年年留得殿清秋天雞未喚扶桑日

已有霞光照海樓花鬢頭最遲
熟名曰夜光

美人天上憶瑯玕生長南荒絕羽翰路入白雲迷子午

心隨紅日到長安唐時涪州貢荔
子從子午谷入

送張南士返越州因感舊遊有作

卷七 七言絕句

十七

可憐一片鏡湖水祇有西施一浣紗千載芙蓉爲誰發

君歸好上釣魚槎

雪竇山人梁去幾秋彈琴東市亦風流相思最是聊溪

月夜夜清光爲我愁

悵望稽山宿草齊故人朱士墓在禹陵西天生志士墳

溝壑魂魄休爲杜宇啼

書臺寓山別業此日委寒烟鸞鶴飄零各一天君去落龍應

白掃時時石上作春眠

贈厲子還西冷

長憶西湖歌采菱六橋秋水漲漁簪逢君急剪松江絹

乞寫雙蜂烟雨凝

七夕

天上依然覓玉珂
人間不復畫青蛾
而今却羨雙星好
猶得年年一渡河

哭稚女雁

當年設帳雁門關
代北諸君盡解顏
共道榆林飛將種
明馳莫載木蘭還

我憐堂上有慈姑
老鳳啾啾喜弄雛
得此左思嬌女子
堪令白髮日歡娛

汝母秦人父越人
汝生於代紫河濱
萬里三人成骨肉

卷七 七言絕句

六

三年一旦作埃塵

初生一月卽南征
歷盡龍沙紫塞城
九月霜花凝繡襪
苦寒不斷有啼聲

兩齡失恃汝何知
哭向桐棺索乳時
萬里將來孩抱物
何人見爾不生悲

胡弄書篇夕兩圖
聰明不獨識之無
女中博士五真筮
豈比尋常掌上珠

三月艱難瘴海行
歸來不見一枝瓊
家中大小相持哭
盡作哀猿腸斷聲

空留汝母嫁時衣
霧縠花羅香漸微
欲與他人今不恣

華山高處瘞斜暉

無端母子來烟瘴送卻浮生數月中無母不應還有子
芙蓉蒂斷易隨風

葬汝先人墓道西白楊多處作幽閨若知汝父長相憶
莫向黃泉汝母啼

豐湖

內湖水暖外湖寒看殺鴛鴦忘釣竿一葉一花都弄遍
月明還向大夫灘

有贈

碧玉相思君已深雙蓮且寄一枝簪不愁葉底無甜藕

卷七

七言絕句

九

只要花中有苦心

望菱塘海濱諸村

樹樹穿榕是木棉人家多在海門邊初晴雨氣猶含日
乍暖春陰尚作煙

落花

枝枝都被曉風催豈有黃鶯啄復開已是落花花已落
何須吹去復吹來

新眉

新眉懶画月斜斜調粉無心注露華解道海棠因淚化
莫教霑灑又生花

種竹

春時卽是竹秋時雨過鞭行更不遲種向西南成筍易

求魚待取最柔枝

竹性喜西南竹鞭行時以八月爲春二三月爲秋

西園

西田春夏土膏多一歲栽蔬一歲禾安得農桑來此地

更租塘水種菱荷

斜陽十里盡鍾聲蘭若相連直接城農圃有僧能食力

露葵香處笑逢迎

翠羽

羅浮翠羽日啾啾飽食梅花亦復愁不見美人來樹下

卷七

七言絕句

三

月明寒作淚光流

紛紛么鳳向瑤華收盡香煙不似花綠萼一株餐不盡

銜將數片過東家

哭華姜

來時哭度雁門關酌酒明妃白草間胡越可憐俱遠嫁

夢魂空逐雁飛還

養母依然獨采薇無人爲製老萊衣卿卿自是將軍女

不合身隨野鶴飛

淚灑羅浮萬壑中春花盡作杜鵑紅東家蝴蝶西家燕

雙宿雙飛命不同

相尋日向墓林來同穴無期更可哀卿若見隣人寂寂
殷勤一爲把棺開

才人命薄古來然消得香閨幾日憐一代文章今已矣
更無知已似卿賢

明月舒光乍上枝夢殘空使楚王悲無情最是巫山女
暮雨朝雲只片時

懷中保子二齡餘弄爾西窗舊讀書我指卿卿新画像
可憐未解淚沾裾

去歲中秋三五夕鴛鴦歸到粵江邊高堂滿酌葡萄酒
笑道人同明月圓

卷七 七言絕句

五

終日焚香禮彩雲雲中不見舊仙君
畫圖懸在梅花洞
蛺蝶無情亦上裙

白日魂交翠帳低
家人難喚夢中啼
英雄氣爲紅粧盡
况復多才竇氏妻

天生明月斷人腸
今夜方知秋夜長
一照愁人生白髮
風吹不去皎如霜

不斷蓮枝不見絲
絲長無補斷蓮枝
他生願作田田葉
捧爾芙蕖出水湄

甘蕉不實恨如何
秋雨蕭蕭葉上多
夜夜玉琴相伴宿
閒情不復着青娥

林泉相對只綦巾
筆墨憑君繡
徂神爲愛狂夫詩
旬好
金璫平與刻書人

松柏何須附女蘿
思將白日醉中過
天教武子爲情死
人是文通賦恨多

秋日自廣至韶江行有作

不向池塘把釣竿
白頭人作老漁看
秋江歲歲同鳧雁
隨意蘆花宿暮寒

飛來古寺是耶非
何處歸猿向此歸
長嘯至今煙霧隔
無情亦爲一霑衣

南國多情易別離
登高臨水總相思
淒清越女吹蘆管

卷七 七言絕句

三

絕似巴童唱竹枝

削竹千枝作纜枝
枝長枝短似遊絲
年年百丈無窮路
牽斷肝腸人不知

煙靄蒼蒼暮幾重
山雲低接水雲濃
亂峰迴合成天井
片月無因出萬松

山圍明鏡易成圓
四壁松杉黯似烟
花缺依稀知峽口
片帆斜出斷崖邊

峰峰橫作錦屏長
瀑水紛紛斷石梁
煙雨峽門開復闔
絕愁無路入英陽

映盡清江曲曲閒
白沙深映碧澗洄
秋光流出如明月

一片空青天外來

丹崖翠谷錦圍空
草樹無花也覺紅
春色盡歸秋色裏
不曾霜醉一青楓

盡無螢火似人過
一夜魚驚出綠莎
白板無聲江寂寂

催寒但苦草蟲多

江間夜靜漁人多
擊白板以驚魚

鷓鴣啼殺未還家
煙雨瀧東失釣槎
韶石蒼蒼三十六
知君何處弔重華

江行

烟雨江光冷欲無
白鷗飛處有人孤
愁心又與萋萋草
半在春山半在湖

卷七 七言絕句

暮春山行

棠梨白似白頭人
如雪開時已暮春
寒食野花惟見汝
亂隨蝴蝶撲車輪

燕

紅紫爭銜一片霞
香泥只向白雲家
雙雙翠剪穿簾入
要掠姬人鬢上花

緋桃

炎方隔歲已春華
每恨花朝不見花
多謝緋桃情意好
清明開向野人家

新竹

煙梢露葉碧蒙茸
迸出新林盡籜龍
青玉雨餘春粉少
楚辭多寫墨香濃

一春

一春寒臥擁香篝
每恨東風吹滿樓
故遣垂楊與垂柳
千絲萬縷攪人愁

今歲

今歲鶯花倍覺稀
春寒不肯作芳菲
萋萋但長天山草
祇恐邊人馬不肥

春盡

清明正是最愁時
淚作空濛細雨絲
春色欲尋無處所

卷七 七言絕句

七

鶯花不遣恨人知

細雨春山亂出泉
愁隨流水日涓涓
淚痕留與青青艸

半作棠梨半杜鵑

春遲

今年春早却春遲
凍死鶯花春不知
護絕清明紛雨雪
苦寒如在雁門時

屈翁山詩集卷第七

屈翁山詩集卷第八

鴛水徐肇元掄三選

周源長制思
徐起元瀛奇
校正

七言絕句

秋日廬山作寄繆天自

一嘯霜林葉盡飛白雲終古獨無依山中五老長相待
何事秋深尚不歸

自大小王公嶺經楓林橋一路丹楓古木與梅

桂相亂坡陀高低石路坦潔絕可愛

車隨石路去迢迢夾岫楓林隱一橋松樹不知何處盡

卷八

七言絕句

入穿蒼翠已三朝

君山夜泊

相思七十二峰青雲引愁心過洞庭采罷芙蓉秋月下

廻舟何處弔湘靈

陳宮辭

玉樹新歌唱未終石頭城外戰雲紅君王失國風流甚
笑抱名妃入井中

古寺虛無玉殿存美人環珮響黃昏多情最是萋萋草

不沒胭脂片上痕

秣陵春望有作

玉漱金塘雨過時家家楊柳映茅茨溪行忽與人烟遠
一樹梅花獨自知

江南無路草萋萋欲送王孫烟雨迷幾度蘭舟行不得
鷓鴣偏向夕陽啼

歌舞銷沉一夜風繁華自古送英雄可憐七曲江南弄
都入胡笳慘淡中

日斜湖上聽歌還落盡天桃慘客顏回首白門楊柳外
春風一半在寒山

燕子新箋唱未終君臣一笑失江東風吹苑柳花無數
飛向天山與雪同

卷入

七言絕句

二

煙雨春光澹欲無年年愁滿莫愁湖清明莫向江南過
芳草萋萋是故都

榆柳青青萬井煙遊人隔袖揖金鞭桃花不解王孫恨
開遍燕姬酒肆邊

淒涼今古一荒丘欲問滄桑水自流歸去東樵高臥好
青山猶爲野人留

金陵送藍子

秣陵爲客總途窮才技如君恨太工自昔黃金天最愛
艱難不肯與英雄

題吳季六所畫黃山松

三十六峰松盡眠一峰峰有一松纏叅枝不比松身短
十丈橫飛渡水烟

熊羆多力不如君李六少時力舉千鈞會向沙場作虎賁戰敗不

愁無矢刃奇松拔取掃千軍吳曩時建義戰敗手拔一松擊敵斃百餘人

松松費盡熊羆力画取黃山萬樹來雙腕可憐如此用

丹青深隱冠軍才

龍顛虎倒在峰峰盡是將軍漢代松鱗甲不妨三寸厚

耐他水雪過玄冬

奇新安汪扶晨

不愛黃山愛紫霞紫霞中有故人家多情每遣潛溪水

卷入 七言絕句

流出相思與落花扶晨家在潛溪門前有紫霞山去黃山九十里

我愛新安水至清頻勞三十六峰迎無端風雨迴中道

負爾樽前望遠情扶晨約予入黃山予行至蕪湖以暑熱適返

承君茶味紫霞新遠寄兼貽吳野人歸取越王臺畔水

一杯先奉白頭親扶晨自製茶名紫霞片海陵吳野人有謝扶晨寄紫霞茶詩

寄答新安黃黃生

黃生洪仲舟方吾知已分手維揚已十年黃存黃山洪白

嶽洪今已沒有誰憐

因君更自憶方舟白首風霜苦竹秋洪有苦竹軒淚與飛花

吹不盡門前添作一溪流

浮家往金陵作

半船妻子半船書
烟水蒼茫恣所如
此去金陵四千里
不知何處有田廬

浮家已至蠡湖濱
思向匡廬住一春
瀑水遠從雙劍落
垂垂天外欲牽人

湖上

落花半落鏡湖春
無數鴛鴦戲白蘋
吹笛一聲邀海月
月來先照浣沙人

題望京樓

心逐春光萬里流
回風吹墮望京樓
江南盡是相思樹

卷八

七言絕句

四

和雨和煙繫紫韉

自萬安上十八灘號子

一夜灘魚撥刺聲
雨中偏得月華明
平鋪瀑布衝舟去
白鷺無心亦自驚

某明府納姬金陵索贈

已有芙蓉並蒂妍
紅粧雙倚似非烟
更迎桃葉秦淮上
共載梅花大庾邊

君姬州人

太白風流奈爾何
金陵小妓楚聲多
天生三寸如花筆
只爲佳人画翠蛾

宿乳源道中

馬度橋南石路平，黃昏未到乳源城。山樓一夜驚寒夢，不辯松聲與水聲。

夜上飛雲頂

天雞未喚滄溟日，海蜃先銜若木霞。獨上羅浮最高頂，一聲長笛月光斜。

自袂家至黃窰道中所見

山女春晴采笋多，林中雙踏落花過。千巘草長無樵徑，猿鳥紛紛下薜蘿。
銀釵高髻帕輕紗，谷口群栽吉貝花。夫在東菑望朝餼，唱歌遙下碧峰斜。

卷八 七言絕句

五

寄無可禪師

羅浮采藥失佳期，聞道嵩陽錫杖移。珠海含君千里月，秋光長得慰相思。

題畫蘭冊

羅浮夜半欲開時，多謝微風不肯吹。香隔山來歸絹素，祇應騷客夢魂知。

平生作画恨無師，花鳥而今學已遲。欲作道人蘭弟子，瀟烟湘雨寫枝枝。

秋日對花作

花曆天南最不同，吹噓不必定春風。東君自解行秋令，

先遣梅開九月中

九月初殘漸有霜
盆梅移近讀書牀
花開夜半頻驚起
一朵渾如萬朶香

芍藥

千枝萬朶怨春紅
白纈黃樓髻子中
折向尊前君不飲
參差笑殺浣花翁

虞美人草

舞態依依傍藥欄
多情春雨未沾殘
朱顏不與英雄盡
秀作名花萬古看

柳

卷八

七言絕句

六

一絲一縷已風流
半拂芳塘半画樓
日夕含煙復含雨
不將春色散人愁

已遣飛花作白蘋
又教吹絮逐香茵
枝間嬌鳥紛無數
第一流鶯最惱人

鷓鴣

不厭新梅嶺上煙
對啼偏向酒杯前
三春梅作江南客
萬里愁當落日天

天涯

天涯蕭瑟又逢秋
不待霜飛已白頭
明月何曾知客恨
黃花只是笑人愁

題江丈小影

高柳垂垂拂曉空
愁心多半與天風
羲皇以上何曾沒
總在先生夢寐中

題葉氏山房

城外青山千萬重
城中獨有一芙蓉
君家正在芙蓉上
一片樓臺雲氣濃

姑蘇楊柳枝詞

姑蘇臺畔臥經春
歌管淒涼憶美人
楊柳無情飛絮亂
可憐如雪亦成塵

家家垂柳繫相思
况復吳儂唱竹枝
未曙啼烏腸已斷

卷八 七言絕句

七

行人難待月斜時

美人香水尚留谿
谿畔桃花亦姓西
無限風流與楊柳
千條萬縷任烏棲

露咽烟啼總不明
飛花如送復如迎
長條那忍輕攀折
爲爾臨風最有情

四百橋邊茂苑東
纖腰舞殺爲春風
吳娘一一嬌鶯似
生長遊絲落絮中

金縷垂垂拂水流
梧宮花草不曾秋
蛾眉飛作天邊月
長爲君王照鳳樓

送客

春草方生瘴氣微
子鴉催客不如歸
漁舟但向桃花入
莫問仙源是與非

春望

烟雨催春春欲歸
荒城最少是芳菲
生憎浦口多鴻雁
食盡蘆花未北飛

沙亭漫興

村南村北一溪分
咫尺橋梁隔暮雲
雞犬無聲人寂寂
羲皇一枕至斜曛
丈人傴僂入旬餘
口授諸孫不用書
爲愛榕陰風日好
移樽相與贈黃魚

卷八

七言絕句

八

風含落葉易成悲
葉葉秋來亦有思
蕭瑟最愁蟬響外
一聲先與夢魂知

自題易葉軒

一庭梧竹最宜秋
易葉新書雨不流
人是羲皇高枕外
黃花亦爲羲熙留

春日仙寒草堂作

一聲黃鳥一深杯
盡日林中戶不開
惟有東風隣寂寞
時時吹得落花來

增城道中作

青青山色每窺人
林外煙含一帶春
昨夜風吹新水長

桃花片片逐游鱗

浮瓊海

島嶼沉浮一點青雞聲髣髴在空冥斷虹一片人邊起
亂落風帆向翠屏

夫溪曲

夫溪在仁化縣東北百里昔有戍婦送其夫
至此哀動行路故以名

夫溪溪水水分流流向東西似御溝恨絕當年征戍婦
潮痕長與淚痕留

鴛鴦不向此溪游豈有鴛鴦得白頭溪水不將濃淚去

卷八 七言絕句

九

淚紅長似落花浮

詠羅浮

一簾飛水掛雲高半落流杯池名與藥槽風捲寒聲入天

際時時散作萬松濤

丫髻雙開紫翠新瑤臺石笋鬪嶙峋笑他玉女峰娟妙

長伴雲邊一老人峰名

青旗江口所見

微霜生暖雪生寒魚愛新泉上釣竿漁父掛帆三水去
白頭人作鷺鷥看

見初月有懷

娟娟初出絳河濱只見蛾眉不見人欲寄清光與脚去
風吹不肯落西秦

一半晴光一半陰相看只在碧天心盈盈最恨明河水
長爲牽牛織女深

題畫竹卷

誰寫枝枝竹影長墨花飛處卽瀟湘瑯玕不必栽千畝
自有清陰滿石牀

杜鵑

生作春鵑只苦啼山山紅染落花泥天教怨鳥催人老
一夕星星白髮齊

卷人 七言絕句

題王給諫烏絲紅袖圖 王邵陽人

十

芙蓉無數水中開化作鴛鴦七十來爭愛夕郎辭賦好
持箋一一向琴臺

斑駁攜得素馨花陸賈風流映漢家一片羅陽歌舞石
看君飛滿筆端霞

東向

東向金陵蕩画橈愁心不逐暮烟消多情最似江南柳
盡日依依爲六朝

斷腸

斷腸無計更留歡鳳去羅帷香未殘書下空簾愁脉脉

祇應花作美人看

送麥子之松江

聞道鱸魚三泖多
季鷹秋興在煙波
君行更盡吳淞酒
身後浮名奈爾何

風吹不散落花愁
淚共三江水流
一代紅顏是知己

為予多謝月珠樓
宜與有徐氏女宰相徐溥之孫也
最賞予詩謂為天下才子

席上贈葉仙

吹人無那素馨風
更送桃花上臉紅
但得佳人稱太白

不辭沉醉月明中
葉仙三稱予太白先生子喜為盡三爵

梁烈婦

有序

卷八 七言絕句

十一

梁南海人同邑賴萬生之妻丙戌廣州破萬生被害兵欲犯梁梁墮樓而死

流黃織罷淚雙流
笳鼓南來咽暮秋
梁氏自來多意氣

為君還墮綠珠樓
綠珠姓梁

黃烈女

有序

黃烈女南海九江堡人父名錫球丙戌女年及笄值賊至將掠以行女曰吾頭可斷持挺大呼與賊力鬪而死

會從越女學干將
電擊星馳巧異常
力盡佳人惟一死
血花開作杜鵑香

送林木文還嘉興

野田黃雀及秋肥稻蠲銜霜亦不稀一棹鏡香亭子外

白鷗驚見故人飛

嘉興黃雀特佳
有亭曰鏡香

長思

壓酒長思鎮朔樓鈿箏低按小雲州樽前亂落鷺毛雪
半爲天寒駐紫駟

歇馬長思金粟城索郎甜美月中傾荒雞不解留人客
行到黃河天未明

南粵歸辭

香貂雙覆錦衾齊雨灑船牕夢戍西潮水未曾生夜半

卷八

七言絕句

七

長嗚恨殺九真雞

弄雛軒作

鳥漸多聲到画檐更餘蝴蝶細穿簾晴催稚子開黃卷

暖課閨人寫素縑

示女明珠

小本家傳女四書可能箋注若華如平生列女吾多傳

要汝聰明記有餘

春山

春山只在翠眉間休向雲門鏡水攀髯影吹人香不已

羨他蝴蝶逐風還

知道

知道楊花愛作萍故將飛絮攪空冥依依却是無情甚
折盡枝條勿使青

風花欲去向誰邊化作香泥色尚鮮最是東君無力甚
難留一片画欄前

焚香曲

郎如朱火妾青煙一氣氛氳出玉煎沉腦成灰應不惜
祇圖香在夢魂邊

辟邪鳧藻兩爐輕被底香毬更有情展轉不離君玉體

房風遺製鑄初成

馮小憐有銅足爐曰辟邪手
爐曰鳧藻香毬即被中香爐

卷八

七言絕句

七

越臺新柳

新年柳葉已爭開絕似江南三月來自是炎方天易暖
春光先到越王臺

未作鴉黃綠尚輕垂絲一半拂春城風流絕似靈和殿
不待條長已有情

同心同折一枝迴絲縷因風結復開已苦春愁如雪飈
莫教花絮更飛來

題沈君小影

形影陶公此亦真羲皇以上更無人科頭不見三千丈

欲爲君

李白酒詩白
髮三千丈

舞草

血作杜鵑花已紅
魂爲舞草更搖風
美人驩馬平生物
一笑天忘起帳中

黃花

黃花十月似丹楓
嶺外無霜亦變紅
安得醇醪朝夕有
王顏醜好與君同

乞顧生寫真

螭泉置我未爲非
更寫嬋娟伴少微
吳氏當風高士帶
曹家出水美人衣

移人神氣一毫端
漢有狂奴在素紈
異日桐江來物色

卷八 七言絕句

古

羊裘好與故人看

題英上墨竹

疎放枝枝意有餘
縱橫訂筆似顛書
風吹舞影生綃落
無數簫籥勢不如

將上惠陽舟中望羅浮卽事奉呈王太守

江遶羅浮上惠陽
絕勝九面見衡湘
半天空翠如陰雨
一路秋光出夕陽

使君詩作萬松濤
噴薄羅浮兩勢高
九十九條成瀑布

隨風欲剪一并刀

羅浮有九十九瀑布

題高生畫

故人胸次滿霞煙。画出雲林與石田。愛殺橋西扶杖者。無人相與踏秋天。

戲示墨西

方程古墨欲收齊。磨盡松煙苦墨西。有子殷勤將代汝。研池先與洗澄泥。方子魯程君房也

卿如子墨客。卿來膠漆相依更不開。湯沐欲封君。卽墨五年功在讀書臺。

口占送姬人之母

公姥能來就女無。無兒休歎白頭孤。殷勤得使甥孫大。與婦雙雙作孝烏。

卷八 北言絕句

五

送朱竹垞

情同楊柳但依依。乍見那堪卽送歸。白首相知誰得似。夢魂從此更交飛。

重來此地莫相違。各已浮生近古希。二十五年還待汝。白頭未肯嫁斜暉。予與君別二十五年矣

送人入京

桑乾亦是小黃河。橋向蘆溝踏雪過。馬上錦裘青海客。嗚嗚吹葉和悲歌。

白山冰雪黑山雲。水落遼河向塞分。更出榆關隨射獵。海青看打駕鴉群。

詩雨作

百道飛泉作簷溜絕疑三峽倒龍湫哀猿爲爾空腸斷
淚逐潺湲日夜流

屢得友朋書札感賦

一謝交遊故國回寒暄不斷素書來杜陵雖有虛名好

溝壑何曾一救來

少陵詩虛名但蒙寒暄
問泛愛不救溝壑辱

最早知音是阮亭青蓮不得擅仙靈九天咳唾紛珠玉

亂作飛泉下杳冥

王阮亭云翁山先生詩殆如太白
所云咳唾落九天隨風生珠玉者

慈谿魏子是鍾期大雅遺音獨爾知一自彈琴東市後

風流儒雅失吾師

雪竇山人
人嘖也

卷八

七言絕句

夫

管谷同心復同調平湖臯旭亦淵通三吳競學翁出派

領袖風流得兩公

周管谷郭臯旭嘉興人最賞予詩以
一時吳越相師法者爲翁山一派云

才者四十有餘年老益飢寒萬卷前絕代文章多妒忌

自來人欲殺青蓮

老豈爭名向少年未焚筆研已歸田能知白也詩無敵

除是開元一代賢

長兒明洪十入歲生日口占示之

志學已多三歲矣成童又過二年來文章莫與而翁似

一代聰明要自開

題朱君望雲圖

春鳥催歸處處間，鄉心画出翠氤氳。
江南山色無多少，總向邦溝作白雲。

題劉君蘆洲濯足圖

豈意蒹蘆尚有人，微茫煙水未迷津。
白頭漁父偏知汝，一棹相將出白蘋。

新柳

鵝黃淺淡雪初消，拂水拖煙已萬條。
小得春風都解舞，憎他絕似阿蠻腰。

送聲遠往杭州

西子湖西返照明，南高峰雨北高峰。
晴蕤絲采共鱸魚腊。

卷八 七言絕句

七

歸作高堂錦帶羹

舟向孤山柳外堤，知從處士問幽棲。
故人亦是林和靖，家有梅花作女妻。

西蜀黃錫璫，數枉書來自稱私。淑弟子賦以答

之

詩歌豈敢作人師，私淑如君乃不疑。
風雅只今誰麗則，不才多祖楚騷辭。

古詩源向漢京尋，十九情同三百深。
唱歎冷然清廟瑟，朱絃疎越有遺音。

開元大曆十餘公，總在高才變化中。
誰復光芒真萬丈。

謫仙猶讓浣花翁

九月望後梅已敷花先黃菊而發喜賦

霜降初寒卽吐花不教黃菊擅陶家
籬邊秋色兼春色別作幽人一歲華

題畫

老樹橫斜似酒龍扶持須倩木芙蓉
憑君更發蘭香墨多寫含霜三醉容

送王觀察之官蜀中

荆門西溯卽高唐一路風流屈宋鄉
更向秭歸尋故宅無窮騷些在斜陽

卷人

七言絕句

七

十二巫峰似九疑芙蓉朵朵鬪仙姿
離騷弟子荒淫甚神女無端入楚辭

似有朱顏在鏡中香溪清與若耶同
美人心逐天山草萬里青青到漢宮

斷腸花滿峽門香復有相思碧草長
哀怨一從生望帝三巴都作杜鵑鄉

竹郎祠下竹公溪水合三江到峽西
白黑諸蠻春報賽巴渝曲爲使君低

於羊嶮口滿嘉魚丙穴人言美不如
君到沔陽春盡候相思應遣一衙書

一林

一林秋色在貧家紅葉蕭蕭似落花無數金錢在黃菊
欲持沽酒送年華

屈翁山詩集卷第八

卷八

七言絕句

十九

如夢令

纔過鷓鴣啼處又到鸞雞飛處行盡越天邊總是一江
煙雨歸去歸去芳草幾曾迷汝

又

未盡一灣藤竹又入一灣喬木向夕駐漁篷螢火照人
孤宿相逐相逐已與白鷗情熟

醉花陰

煙雨臺城迷古道春色幾時好誰使馬羣多一片江山
生徧萋萋草未過寒食鶯聲老花發應須蚤處處是
邊陰垂柳垂楊不爲南朝掃

鵲踏枝

乍似榆錢飛片片溼盡花煙珠淚無人見江水添將愁
更滿茫茫直與長天遠已過清明風未轉妾處春寒
郎處春應煖枉作金爐朱火斷水沉多日無香篆

戚氏

徐太傅園戚舊

是青溪一曲流水遶平堤古木過城亂花飄徑使人迷
淒淒問蒿藜東園不見暮烟低當時玉輦曾馴向此垂
釣樂忘歸錦鯉三尺中涓爭買重勞御手親提愛張星
幕左南部妖麗全勝雲西榆柳尚有烏棲清露咽咽

怕向白門啼鍾山好雪餘佳氣掩映斜暉逐花泥咫尺
舊院芳畦脫寇往日名齊豔魂不散總作沈鷺一半分
與棠梨 太傅風流甚池多画舫洞有飛梯喜得君王
麗曲舉樓臺一二乞留題樂工老頓新翻女真雜調亡
國多淫靡教內人朝暮長流涕將往事思寫悲悽奈禁
林朔馬方嘶又彌望毳帳繞青氐更秦淮畔殘紅片片
只覩香蹄 武廟南幸有樂工頓
仁從 駕白稱老頓

瀟湘神

零陵作

瀟水流湘水流三閭愁接二妃愁瀟碧湘藍雖兩色鴛

鴦總作一天秋

瀟湘二水相合
各鴛鴦水

詞

又

瀟水長湘水長三湘最苦是瀟湘無限淚痕斑竹上幽

蘭更作二妃香

又

瀟水深湘水深雙雙流出逐臣心瀟水不如湘水好將

愁送去洞庭陰

滿庭芳

滿城惜別

金粟堆邊水蒲水畔紫騮迢遞迎來月中驚見光豔似
雲開桑落霑人半醉將長筵弄向秦臺天明去鞭揮岍
岍
曲愁殺渡人催 徘徊奈歎息桃花易嫁鳳子難媒和

香雨氤氳飛作塵埃墜井銀瓶永絕誰復取仙夜盈杯
應知爾三春繡閣幽寂委蒼苔

八聲甘州

榆林鎮卅諸忠烈

大黃河萬里捲沙來沙高與城平教紅城明月白城積
雪兩不分明恨絕當年搜套大舉事無成長把秦時塞
付與笳聲 最好榆林雄鎮似駱駝橫臥人馬皆驚更
家家飛將生長有威名爲黃巾全膏原野與玉顏三萬
血花腥忠魂在願君爲厲莫逐流螢 榆林鎮流寇號爲駱駝城馬見而畏
長亭怨 與李天生冬夜宿雁門關作

詞

三

記燒燭雁門高處積雪封城凍雲迷路添盡香媒紫貂
相擁夜深語苦寒如許難和爾凄涼句一片望鄉愁飲
不許壚頭馳乳醉無處問長城舊主但見武靈遺墓沙
飛似箭亂穿向草中狐兔那能使口北關南更重作并
州門戶且莫弔沙場收拾秦弓歸去

蘭陵王

雲州旅次

大同破猶記姜家作禍藩王邸邊草上牆紫兔黃羊嚼
花朵葱香雪餅大圍坐雙姬泥我琵琶弄唱玉郎道
是西宮內人作 康陵舊經過有五里鵬旗三里龍舸
豹房親上歲粧鎖愛賈屋妖冶雁門粧束金元雜劇教
婀娜欲迴輦無奈 烽火御樓障任馬踏合桃人摘頭

果槐龍陰煖花當臥怕對對悲策叫雲相和淒酸難聽
語客去及蚤箇

意難忘 自宣府將出塞作

山轉雲中問花園上下蕭后遺宮鴛鴦雙灤在木葉四
樓空洋河雪紇干風愁不度居庸恨一春戰雲慘淡直
接遼東 揮鞭且莫匆匆愛笳吹兜勒邊女唇紅駝鞍
眠正煖馬乳飲還濃休出口奮雕弓更奪取胡驄料數
奇徒然猿臂白首難封

滿江紅 山陰道中

詞

四

咫尺陰山黃水外龍堆相接最愁見邊雲羣起牛羊無
別白草已將青草變平城故與長城沒倩蘆笳吹出漢
宮春梅休折 天斷處沙如雪天連處沙如月總茫茫
冰凍未秋寒徹柳未成條風已斷鶯將作語春頻歇勸
行人莫滯紫游韁教華髮

關河令 延綏清明有見

柳毛爭插正冷節向野墳相識枉踏新青靡蕪殊未碧
黃沙遙接塞北但幾點紅藍顏色鹵地佳人臙脂嫌大
濕

傳言玉女 紅蕖

葉葉抽心卷放總同菡萏吹開無力笑春風淡淡紅蕖

太赤莫是榴裙相染光生雲鬢冷侵水簾 一半含胎
乍聞雷吐復斂露華寒滴喜綠天平掩銅瓶養取變作
淺黃猶豔教人那不遍栽窗檻

憶漢月

瓶中桃花

白碧紅緋相向春在瓶中嬌養枝枝不必翠林旁自有
雨情煙狀 佳人金屋少空絕世有誰幽賞一根一葉
已傾城迎爾那辭蘭漿

暗香

蠟梅

北枝花後又蜜脾點點成葩如豆想是綠珠拋向柔條
被黏取分得黃檀色淺吞還吐微開香口向葉底朝暮

詞

五

衝寒攀得帶冰溜 心幼被春逗莫只管半含似他紅
蕊露乾雪皺餘氣箱奩尚穿透愁絕靈娥在遠思寄去
百房能否蜂釀罷芳未淡且浮臘酒

郭璞蜜賦靈娥御以艷顏

羅敷媚

瓶中紙梅花

瑤華先吐嬋娟手白繭生姿不界烏絲細作春光下剪
遲 冰綃片片那能似似得霜肥香動南枝兩兩同心

照水時

又

錦江滑膩層層染半寫香奩不用花縑多少春光在玉
纖 枝枝剪出皆檀暈一朵先簪粉印微霏翠羽教他

盡筇

浪淘沙

春草

嫩綠似羅裙寸寸銷魂春心抽盡爲王孫不分東風吹
漸老色映黃昏蝴蝶不留痕飛過煙村紅藏幾點落
花魂雨過苔邊人不見濕欲生雲

憶王孫

草

風吹一夜卽萋萋未到裙腰路已迷
腸斷離人日向西帶香泥狼籍春光任馬蹄

惜分飛

事到傷心無可訴花落從他滿路此恨非風雨東皇自
是難爲主片片隨波無一語化作浮萍自取應識相
思處莫將香夢東西去

浣溪紗

不折蓮莖不見絲絲長難繫一相思飛過煙樹少人知
心似芭蕉抽未已雨聲偏滴半開時郎邊可有一枝

枝

相思
鳥名

又

一片花含一片愁愁隨江水不東流飛飛長傍景陽樓
六代只餘芳草在三閩空有乳鶯留白門容易白人

頭

不分柳煙花雨暗將春去歌慵笑嬾向花朝恁得似鶯
多語 最恨匆匆神女彩雲無主巫峰十二已迷人更
一片香含霧

荷葉杯

紫燕雙雙飛去何處憑爾寄相思無書只有一紅絲紅
是口邊脂 郎問玉顏消否如舊獨宿繡房深牀閒留
得鳳皇琴淚濕不成音

惜分飛

紅豆

閒盒愁將紅豆數滋味應知帶苦泥裏休拋取怕他生
詞

作相思樹 珠淚何年頻化汝顚顚盤中不住欲付黃
鶯去天涯銜向多情處

玉團兒

白杜鵑花

春心傷盡啼無血化為花枝枝似雪色已瑤姬魂猶望
帝長含霜月 紅顏一夕成華髮笑冰姿臙脂盡脫暮
雨蠶叢朝煙劍閣誰憐淒淒絕

一叢花

蜀花

初如金粟一絲懸漸似玉芝鮮風吹忽變芙蓉朶喜心
小不作青煙春色沉人殷勤並蒂膏火莫相煎 難明
不必恨秋天自有夜光妍淚珠滴滴成紅豆欲穿起寄

與嬋娟山遠路長因君報喜泣盡復嫣然

向湖邊 采蓴

積雨初消湖波新漲葉葉乍浮還沒素手牽來比銀釵
光滑教越娘輕按蘭橈菱花留取莫與紫莖同擷隔宿
還肥浸寒泉似雪 旋下蠻薑半作香羹噉誰復忍去
去和鱸魚輕別鱸具多攜更吳淞乘月况美菓千頃非
錢買休還恨犀筋玉盤消息絕且逐鴛鴦向夕陽明滅

浣溪紗 杜鵑

血灑春山盡作花花殘人影未還家聲聲只是爲天涯
有限朱樓當鳳闕無窮青冢在龍沙催歸不得恨琵琶

詞

入

琵琶

阮郎歸 燕

雙雙剪水鏡湖旁萍開一片光游魚正繞紫鴛鴦輕銜
過夕陽 新月上素琴張窺人在畫梁巢中多少落花
芳成泥更有香

虞美人影

素馨茉莉休分別大小總如水雪朶朶開當明月綵縷
穿成結 因沾膏沐香逾絕圍髻更教重疊未曙花田
親撥要解郎心熱

又

斷腸何必萋萋草一片落花堪老試問郎邊嬌鳥啼得
春多少 垂楊不把愁心掃攀折画樓難到欲取相思
燒了紅豆憐他小

一落索

杜宇催春從汝莫催人去人留卽是好春留更一任風
和雨 怕見遊絲飛絮爲伊無主落花爭似淚花紅只
滴在分襟處

鏡中人

本意和吳湖州

暮如霜朝似雪長與玉顏相接形影可憐無別處處同
明月 郎愛箇人那愛妾妾讓箇人清絕羅袖爲伊

詞

九

笑靨更使能言說

鳳凰臺上憶吹簫

至自榆林迎歸荔浦人看秦地佳人正寶箏調月斑管
吟春忽爾風吹花墜連嬌女共化珠塵會無語匆匆入
月渺渺行雲 紛紛淚飛似雪揮不到黃泉霜爾羅巾
恨留仙難得空縐裙欲托哀蟬落葉爲傳此魂夢氣
氤光離合非耶是耶髣髴誰親

雨中花

大別山前人大別芳草裏新墳如雪宿蝶休飛啼鴉休
啼爲守松間月 萬里樓煩來入越又相逐煙波一葉

魂傍湘纍淚沾秦女定作桃花血

錦纏道

示小姬辟寒

不使彈琴爲惜阿姑仙爪但簫聲倚風輕裊又休成子
朱櫻小短短桃花禁得春多少 更羅裙許長莫拖煙
草露瀼瀼濕教人笑好日長描取曹娥帖錦箋千紙點
書都娟妙

高陽臺

紅草溝寒黃華峪暝頻驚雨雪當秋並騎三雲雙雙正
擁貂裘嬰雛抱向雕鞍上指故鄉萬里炎州念高堂九
子分飛饑鳳啾啾 門閭倚盡因新婦喜秦珠秀麗漢
玉溫柔况有銀箏邊聲一一 觸愁人間樂事天頻妬把
恩情忽與東流恨當年月未圓圓花未綢繆

摸魚子

寄秀水周青士繆天白

記當年落水門徑峭帆三度來往分襟忽爾經離亂且
喜故人無恙心不忘涼月夜銜書數把朱鸕放鄰姬兩
兩恨嬉戲相違明馳負去留爾在菰蔞 鴛湖好咫尺
姑胥在望包山爭列屏障新詞多少漁家子可有雪奴
低唱三白蕩多巨口鱸魚潑刺乘春漲何時見餉與范
蠡香莼越王醉李置我北堂上

點絳脣

愁逐春來那知春蚤愁還蚤一天煙艸只有愁來道
花落無多不用東風掃留惜好玉顏誰保一夕枝枝老
如夢令

含淚相看上馬手執絲鞭難下颯作柳綿飛片片粘人
珠靶休嫁休嫁一任櫻桃花謝

謁金門

愁心亂亂似風花千片帶雨含煙看不見正當春欲半
更有淚飛如霰一夕江南都遍垂柳垂楊穿一串游
絲同不斷

夢江南

詞

十

悲落葉落葉落盡春寒歲歲葉飛還有葉年年人更無
人紅帶淚痕新

又

悲落葉葉落絕歸期縱使歸來花滿樹新枝不是舊時
枝且逐水流遲

又

相別久空與夢兒親已恨花房雙燕燕還憎竹簾一人
人有淚濕紅巾

又

清淚好點點似珠勻蛺蝶情多元鳳子鴛鴦恩重是花

神恁得不相親

又

愁脉脉最是暮春初有夢花中爲蛺蝶無情月裏作蟾蜍不寄數行書

又

紅茉莉穿作一花梳絲縷抽殘蝴蝶繭釵頭立盡鳳凰雛肯憶故人姝

賣花聲 題鎮海樓

城上五層高飛出波濤三君俎豆委蓬蒿一片斜陽猶是漢掩映江臯風葉莫悲號白首方搔蠻巨大長亦

詞

主

賢豪流盡興亡多少恨珠水滔滔三君謂任囂補陀陸賈舊有三君祠在樓左

又 舊曲中

桃葉渡東西白鷺飛低裙腰草長與橋齊一代曲中人已盡剩有香溪脂水半成泥流入湖堤荷花欲踏紫騮嘶燕子銜將魂片片可是深閨

滿庭芳 奉答張桐君惠賜幕中見懷

堤接鵝城橋橫漁浦渺蒹葭盡是春煙故人愁斷多爲草連天誰料才華莫用空趨府蠻語年年懷人句花中葉外多少淚光妍情牽教鳳子西從藥市東至香田謁

銜得相思一紅箋此恨何時解釋垂白矣猶自嬾娟
明妃好胭脂未落青塚已淒然

南歌子

耳墜雙珠重眉拖半月長未笑口生香更簪花一朵斷
人腸

又

額煖裝貂鼠頭高作鳳凰珠翠染花香却嫌人說道是
吳娘

又

屐齒沉香結釵頭小鳳毛鬟濕桂花膏半粧猶未就弄

詞

三

檀槽

又

雪粉茶蘼製花梳茉莉裝衣更盡情香消魂猶未了向
平康

又

珠淚成紅豆香心作彩雲更好花熏倩誰遙寄去桂
林君

滿宮花

最相思樓上鏡長帶一枝花影嬌鶯定解夢湘東不向
画簾驚醒淚染春箋紅雪瑩錦水桃花相映迴文書

就字斜斜念與東風教聽

攤破浣溪沙

莫怪匆匆是落花春來誰得久繁華蝴蝶不知寒食後
向誰家 白髮自教成暮雪紅顏不解作朝霞送盡多
情江上客一琵琶

唐多令

魂夢滿江飛茫茫何處歸和煙雨千里誰徵芳艸不知
人有怨愁望處只萋萋不用接天低王孫路已迷恨
羅裙色映東西淚共風花相遠近烏柏下覓香闈

桃源憶故人

詞

十四

輕煙漠漠春何處試問水邊風絮不分晚來疎雨只共
芭蕉語 愁將花信頻頻數畢竟春深多許莫遣流鶯
催汝一夕過南浦

柳梢青

點點相思落花排就更有長條半繫江南半牽江北盡
作宮腰 啼鶉只爲前朝幾滴血棠梨共飄惱亂春山
白雲愁暮明月愁朝

又

雙下雕鞍秦王故苑共倚闌干玉豆傳心銀桃引笑不
怕人看 斜陽稍覺微寒回首去宮城上闌無限芙蓉

因卿眉嫵不愛春山

夢江口

春望斷日夕倚粧樓江上春潮無信久春潮只在鏡中
流流作一天秋

離亭燕

漸到鷓鴣多處愁作一天煙雨芳艸可憐千萬里長共
夕陽無主且莫返鄉關已有斷魂飛去雲際片帆難
駐江上一竿誰許空如白鷗來復往恁得分他毛羽掩
淚似春山終日濛濛洲渚

調笑令

詞

五

花卉花片化作蝶胥誰見黃黃白白爭飛飛逐春人暮
歸歸暮歸暮月向枝頭半吐

又

芳艸芳艸生向江南太蚤連天一
片春愁不管王孫淚
流流淚流淚點點桃花又墜

又

邊柳邊柳生在雲西不久清明纔見依依八月枝條盡
飛飛盡飛盡未報閨人霜信

又

邊月邊月何用光爭積雪征人見爾生情爲似閨中鏡

明明鏡明鏡不得長含雙影

漁家傲

五五枝頭還十十前帆已共寒鴉集數點殘陽猶在笠
情悒悒秋虫未夕紛相泣 朶朶漁燈含霧濕風吹忽
似流螢立幾道星光穿水入舟未及沈沈戍影愁呼急

又 清明掃二配墓

雨過爭開山躑躅餘紅染得春煙足人共啼鴉何處哭
墳新築鴛鴦兩兩黃泉宿 淚似棠梨飛碎玉柳條千
縷情難續每恨生時多怨曲愁盈目蘼蕪忍作羅裙綠

雷天曉角 遺鏡

詞

去

流塵久入點點殘脂濕鸞影至今猶在憑香霧掩餘泣
獨立花半執月中道不及蟾兔料應相伴桂樹下斂

裙褶

女冠子 人口有檀

正月初七正是謝家生日秣陵時酌酒臨桃葉裁箋寫
柳枝 雙飛空似夢再見更無期化作煙和霧不相知

又 望月

天邊月今夕爲誰圓鏡好不將心事照何如一片盡含
煙光沒海東邊 相思淚霑濕素華寒化作蟾蜍褪玉
殿嫦娥人笑汝孤眠寂寂桂枝前

生查子

淚點白紛紛飛去沾花葉一半作棠梨一半爲蝴蝶
腸斷下樓人綠艸藏嬌靨歲歲未清明已有春魂接

醉落魄

黃鶯弄舌枝頭啼得春光熟離愁不到郎邊說梅子青
青打起穿花葉棠梨著淚成紅雪爲儂銜得胭脂血
天涯報道情難絕願似沉香生熟都成結

望遠行

一朵青山一朵愁飛瀑淚爭流夕陽更作一天秋誰忍
上高樓花已落不須春鏡臺交與流塵玉顏難再是

詞

西秦魂夢且教逐行雲命薄古如此枉用濕羅巾

歸朝歡

姬人欲易琴囊適吳興徐蘋村司業以嘉興錦見貺拜而受之報以雷葛紫香

並申小詞時司業將還朝補官祭酒

綠綺雕琴囊已舊漢錦蒲桃何處有美人駕水一端來
豔過苔上穿花縐剪成勞素手珠徽瑤軫長消愛謝徐
陵玉臺好序不及此文繡兒女葛絲挑出幼爲報禮
綸頻織就莞中香角復奩珍鴝班一一兼金購共獻飛
雪候要知締綵能長久待歸朝軟塵拂拭圖取冷風透

桂枝香

題潘氏葭園

山眉不斷與一帶暮煙乍近還遠更有獅洋潮水入湖

迴轉漁帆片片乘新漲愛梅林雪花晴暖柳邊相送三
沙紫蟹四沙黃蜺 及春開窗留半扇任白鷺交穿窺
人書卷驚落雙榕細子飼魚肥嫩須將舊釀離支酒沃
鱸生冰縷霜片蕩舟迎我玉人攜取醉聽鶯囀

湘春夜月

又黃昏夕陽斜映湘陰可惜一片江聲都瀉作愁心欲
抱月光同臥奈月光如雪不暖香衾怕素娥笑客殷勤
玉指起弄鳴琴 楓林瑟瑟螢吹鬼火葉助猿吟早掩
船牕休要作楚王迷惑神女荒淫雲朝雨暮斷人魂終
古情深恨宋玉托微辭諷諫風華寂寞誰與知音

詞

歸去來 詠雨中山

文

生怕春眉人見無物爲純扇煙雨濛濛教遮面天風外
似花顫 十二峰俄變笑神女楚襄空薦風流但使詞
人羨荒淫好諷中勸

一斛珠

柳條休鞦朝朝攀折誰能那翠眉春共青山鎖多事嬌
鶯苦向枝間坐 落絮紛紛時惹我浮游未化萍千朵
嫌他雪點蒼苔破爲語東風吹向池塘墮

殿前歡

鷓鴣雞爲誰啼殺夕陽西一聲聲迸思鄉淚霑香泥

茫茫客路迷煙樹千重蔽魂夢三春滯花休豔豔草莫
萋萋

醉鄉春

最好桂林香酒擎出玉杯纖手皎月下豔花間隨意老
人消愛 果贏二豪何有天上酒星我友解沈湎卽成
仙醉鄉日月誰能取

錦帳春

凍雪全融寒風半透正長至圍爐時候念故園春早數
枝當牖梅花開否 歲暮離家淒涼素手與金錯無緣
相就向空囊一哭淚滿衫袖祇添消瘦

詞

七

白苧

又淒涼上端水天寒獨宿家園正吐朶朶紅梅紫菊苦
饑驅向人求食愧麋鹿無祿爲沙田闕白露秋分秬穀
秋收又無雲子依稀一斛留作糜芋魁兼煮如肥肉
空腹肝腸地錦咳唾天花不堪平賣持作高堂水菽常
此際蕭條有慚童僕哀蟬咽咽與悲絃不斷怨簫相續
欲返巾車雪霰頻飛催駕黃犢是處窮途老去還多哭

風中柳

趁取花朝與客探梅光福恨橫塘千株未足北船偎玉
南船偎玉恣春情冷香中浴 蜂頭白盡不見髻螺青

綠掃莓苔瓊英萬斛香溼三宿帆溼三宿約笙歌總歸
林屋

一斛珠

鷓鴣催我未十里遲遲放舸愁心不逐風吹過落花誰
那偏向離人墮 欲掩雨牕當晝臥又前灘狂濤聲作
滿江漁子爭回柁白鷗驚破飛繞青山箇

江城梅花引

黃花和我滿頭霜怕重陽又重陽不分早梅還與鬪寒
杏老去看花如霧裏被花惱一枝枝總斷腸 斷腸斷

腸苦參商夜已長天已涼一葉一葉落不盡悲似瀟湘

詞

二

那得羅浮清夢到蘭房明月笑人眠太早飛去也影徘徊尚半牀

南樓令

無奈葉蕭蕭未秋含素颺染霜深怎得紅消碧樹無端
成錦樹片片血作花飄 寫恨滿空寥斷魂何處招怎
相思難報瓊瑤青女多情能醉汝休落盡爲南朝

贊成功

莞城香角血格油沉收藏奩內女兒心買來薰被費盡
麩金雙煙繚繞又到春深 幾夜風雪飄灑梅林偏愁
凍殺綠衣禽一般雙宿忍使寒啾飶飶兩翅覆爾蘭衾

解珮令

芙蓉不好荼蘼不好是桃花根葉都好來自秦淮似比
流鶯嬌小怎消他一枝裊裊 吳綾裁了越羅裁了怕
鴛鴦一對顛倒刺繡多閒儘一十二時調笑寫蘭葩未
嫌太少

金菊對芙蓉

本意

香沁疎籬菊英誰伴芙蓉千瓣含烟與鷓黃相映弄粉
爭妍朱顏一日能三醉向白衣笑更嫣然九華佳色玉
杯共泛不覺忘天 折取插鬢翩翩向酒家亂擲勝似
金錢與新辭芳豔分付嬋娟長紅小白詞低唱更一朵
當錦雙纏拒霜辛苦因公晚景一倍相憐

詞

三

花犯

恨炎天梅花少雪凝脂未肥白玉寒珠熱似倒挂南枝
么鳳無力故人欲寄春消息踟躕那忍摘怕蛺蝶食殘
黃蕊鬪香歸粉翼 仙姿亦復苦愁侵憐他消瘦甚神
傷姑射膏沐少天然好免汚顏色飛瓊女月中不辨縞
衣冷相要同片石喚翠羽啾歌罷天明愁寂寂

應天長

黃村探梅作

扶胥冬未半正百里花梅暗香相接生長瑤林兒女一
般如雪瓊英堆不掃任門戶玉茵千疊泥土漉很籍牛

羊蕊珠誰拾 多半化蝴蝶與翠羽翩翩影迷寒月何
必羅浮方得夢魂清徹師雄隨意宿便此處美人尤絕
休更待成子青黃始來攀折

眉嫵 新月

喜織纖鉤挂淡淡痕生初試素娥手未作瑤臺鏡娟娟
影新眉隨意描就短長漫鬪想玉葱殊未消瘦最堪愛
宛轉画樓前半規映珠斗 仙樣唐宮那有歎玉蟾獨
處金兔無偶不死雖偷藥淒涼甚教人翻恨王母素娥
未久更兩宵弓影全殼看三兩天狼光墜貫他左肘

過秦樓 入潼關作

詞

三

五谷三嶠函關天阻大河吞渭同流歎虎狼秦滅但百
二關山四塞空留守險少人謀把西京御氣全收剩虛
無宮闕斜陽千里隱映林丘 喜華陰廟口琵琶女喚
征人繫馬槐麴消愁教兩三鶯燕各銜將紫萼亂作觥
籌看白帝多情有明星玉女綢繆且興亡莫問飛杖明
朝雲外相求

柳梢青 三原春日

南北雙城梨花酒熟一路相迎蔬葉茵陳麪條蝴蝶多
謝歡情 嘶花寶馬驕行白渠上交彈翠箏處處鞦韆

人人踢鞠消遣春明 三原酒梨
花春最佳

霜天曉角

翠樓明月此夕應如雪三兩玉人相倚香露沁濕雲屢
一疊還一疊瑤琴彈不輟恨與素娥同寡蟾兔外共
寒絕

又

此情良苦况復瀟湘雨長夜苦寒難睡虫唧唧似兒女
歲去窮不去埋憂那有處白首不堪家累無計甚向

誰語

侍香金童

雪瘦水肥淡淡含春色喜香暗清寒人未識蝶子偷將

詞

三

新蕊食剩粉殘酥爲留瑤席怕亂飛片片隨風難白
力更寄語多情休弄笛一朶髮邊簪亦得未許全枝玉
纖多摘

淡黃柳

贛州郡署作署曾作行宮

蕭條郡解曾作芙蓉殿誰記池頭蒙賜宴來去茨菰蕒
畔長與君王舊鳧雁共腸斷龍鬚已零亂剩垂柳欲

攀徧御溝西可有殘紅片乳燕窺人但銜春至巢向空

梁莫管

風入松

西湖春日

斷腸人在斷橋邊橋斷幾時連無端橋斷因腸斷令垂

楊千縷還牽愁裏流霞難滿夢中明月難圓 花開花
落總啼鵑淚染六陵煙冬青那爲君王改正清明蒼翠
連天多謝斜陽芳草莫催客鬢年年

聲聲慢

開城上吹螺

東西雁翅兩作飛樓江間一片沈浮四角鳴螺聲颯
起高秋淒涼尉佗臺上恨邊聲飛滿炎洲風吞吐儘秦
關漢塞處處含愁 絕似金笳催淚與明妃諸曲哀怨
同流未曙頻吹匆匆人馬難留無邊戰魂驚起逐行營
朝暮啾啾那管得一軍中人盡白頭

應天長

詞

三

江南九熟清明近紅有櫻桃松有粉瑰花調珠葉襯多
謝當墟人不吝 下香菰兼細笋食到盤心爭忍消受
自慚過分金錢教莫進

蝶戀花

立春

開歲炎天頰下雪梅蕊遲開凍得南枝徹幾樹天桃先
漏洩春光已被蠻娘奪 黃鳥數聲嬌欲絕一夕東風
吹轉綿蠻舌處處壺觴閒可挈嬉遊莫待芳菲月

菩薩蠻

一春融暖無多日愁花怨草都含泣煙雨解欺人貂裘
典莫頻 清明看漸盡鶯燕來相問風已幾多番春殘

尚忍寒

月照梨花

天氣初暖簾簾都捲碧草多情隨人近遠黃鸝白蝶依
依逐花飛春歸只有飛花送煙輕雨重片片風相弄
乳鶯銜去休太頻頻使愁人淚霑巾

霜天曉角

鏡中人老鏡外人難好階下紫蘭紅蕙須教變長生草
蝶香多在粉拾來和藥搗多取異花薰炙料得使朱
顏保

又

詞

五

飛飛榆莢片片連花葉欲買舊愁新恨頻移步風前拾
拾來眉上貼勾引雙雙幾多少碧桃紅杏不得上臙
脂壓

露華

白牡丹

素粧淡淡喜絕代瓊姿皎皎難染路入庾關能見梅花
無添一枝不必姚黃已奪越孃光豔炎天熱瑤臺夜溼
牖戶休掩盈盈半壓朱檻正浣出天香珠露微點笑
謝雒陽花佔國色長占向煖稍展瓠瓠更使玉人勻臉
當影坐銜杯共對不厭

惜秋華

木芙蓉

莫拒秋霜任重臺獨瓣紅衣都染乍得露華新粧更添
嬌豔凌晨已作酡顏醉滴滴天漿未厭堪念念芙蓉製
裳湘纈得占 一朵暮還斂待明朝醒解把薄脂重點
恨水淺照不徹鏡雲微掩何人見爾關情折數枝寄來
相賺那敢怕鴛鴦露棲葭蕩

五綵結同心

答黃位北見餉姑蘇酒浸楊梅

包山初熟玄墓初垂炙得太湖全赤載向閶門去把三
白一一和枝深漬甜酸得酒皆成蜜隨十幅蒲帆爲客
玉顏好盡生紅暈絕勝夏時鮮食 炎洲荔支誰敵且
莫教鬱水織綉人識更有蕭然白湘湖上香共紫萼莖

詞

三

摘燒春相伴方長命看歲歲丹砂容色愧滿盤火珠滴
滴欲報瓊瑤無力

蕭然山名在蕭山
蕭山產白楊柳

錦帳春

檳榔

花發房中子生房外一顆顆來從瓊海帶花餐連葉嚼
喜顏紅十倍臙脂能代 大把臙分小將乾配儘兒女
長盈繡袋汁須吞渣莫吐添香灰至再餘甘還愛

長相思

落花

一枝低兩枝低黃鳥飛東蚊蝶西雙雙尚自啼
朝煙迷暮煙迷紫燕銜時已作泥紛紛襯馬蹄

摸魚兒

與友人別

放蘭舟溯江西上渺茫求食何處天涯相見頻相別同
作水邊風絮春欲去恨故苑鶯花總付煙和雨離情罷
訴教夜半啼鴉聲聲向月爲寫此愁苦思重會當在
吳閶古渡吹簫城下應許英雄失路皆無策慚使浣紗
憐汝君莫取鴻鵠在他時自有凌霄羽功名糞土且滿
酌霜醪仍將漁釣共醉白蘋渚

賣花聲

鷓鴣

兩兩對啼閒聲似人蠻多情喚得玉鸞還何處春深行
不得楚水吳山南嶺向梅關苦竹叢間隨陽不似北
禽寒銜葉未教霜露濕日映花斑

詞

七

如夢令

孤金

頂上三毛搖曳箇是華山冠製褊體錦文圓妒殺回堂
珠翠無計無計大尾更須三歲

又

尾上金錢如許終日開屏勞汝只爲雨來時欲置珠毛
無處飛去飛去合浦儘多高樹

紅娘子

訂髻娘

戴勝何曾重有髻方爲鳳身是丁娘心如開客那堪離
籠喜長來玉鏡小臺邊與釵頭同夢花朵開黃茸人
作芙蓉弄兩兩穿枝三三食蕊何曾驚恐想織織飛燕

掌中輕得似他翻動丁髻娘頭有黃茸毛開若蓮花

醉花陰 翡翠

雄繚雌青相掩映愛殺銀塘鏡日夕浣滄波春羽秋毛
箇是佳人命 珍珠一一皆穿竟無爾粧難靚點綴丸
鸞釵葉淡花濃要與春光競

蝶戀花

題唐宮撲蝶圖

鳳子翩翩紛似雪画扇低颺驚入深深葉博得君王開
笑靨聞香忽復穿裙褶 秦女乘鸞顛倒絕捉得黃鬚
膩粉教輕捻收向鏡奩成媚蝶承恩好待華清月

柳含煙

柳

詞

天

青青眼忍看人人別人離不管更將煙雨濕殘春與羅
巾 紅恨綠愁消欲盡枝上無多風信一相思作一垂
絲斷腸時

醉落魄

飛花如許無多紫燕難銜汝春歸誰作嬋娟主願似游
絲長絆卻風絮 韶光誤盡因煙雨并刀已剪愁千縷
情多恐化相思樹人可催歸會逐啼鴉去

漁家傲

白首夫妻雙打槳春來最喜西江漲日月鱖魚爭入網
籠且養香粳欲換須官舫 鷗鷺那分三與兩年年共

在沙洲上白小紛紛君不讓飛蕩漾窺人豈爲梨花醜

一叢花

題西寧長春寺

灣頭錦石似天屏斜對寺門青人家盡在芙蓉瓣恨蒼
翠霑濕牕櫺花半未名禽多有姓鎮日共松亭天然
生就白雲城萬嶂繞空冥春歸此地無人見儘花氣薰
殺仙靈香雨漸消頻生皓月緩步過前汀

百字令

甲子元日試挑酒杯以餽
爲之是魏里柯寓地所始

野亭春暖暖喜雨聲初歇鶯歌元日滿酌西王宜壽酒正
有千年仙核却是笙簫天邊獨處星宿同無匹椒花盛
取玉杯慚爾多質蚤共五色鉤連甘瓜子母碩大成

詞

无

秋實葉佐晨羞餐未厭忘却盤無肥炙製就雙卮殷勤
我友持作高堂物小兒方朔自今何用偷得

画堂春

天青染得一江青煙波雪後逾明片帆衝破白雲屏蕩
漾鷗汀芳草茫茫天際羅裙直接空冥看黃成綠是
愁凝春色難勝

賀聖朝

休憎春色濃如酒縱醉人難久愁心攪亂任鶯聲更綠
絲垂柳歌長歌短總催白髮但瑤琴在手飛花片片
解相依到天涯猶有

探春令

一春春暖似春寒值炎洲多雪喜海棠開出枝枝鐵盃
催得芳菲節 曉風頻遣黃鸝舌向愁人先說說玉杯
滿酌琵琶洲上沈醉娟娟月

漁歌子

開到棠梨不是花鶯啼莫憶舊繁華朝雨急暮風斜春
光催去去誰家

又

夾浦天桃樹樹斜一灣不見一灣花雲帶岫水浸沙白
鷗多處有人家

詞

海棠春

三

清簫未弄腸先絕正檻外朦朧初月露冷雁聲沉水濕
螢光滅 柳枝難作同心結但有絮紛紛似雪莫傍西
裙飛片片成蝴蝶

醉花間

花相識柳相識無限春顏色蕩漾酒船時費盡拋香力
將情交玉筵弄去聲聲逼天邊月莫囿留待人圓夕

浣溪沙

欲使緋桃嫁碧桃瓶中交插兩枝高朝朝對酌香醪
白髮不須求大藥紅顏自可解離騷并州那有剪愁

刀

又 桃溪

榕葉陰陰又木棉芭蕉黃映一溪烟人家半在峽門邊
蝦菜未殘三月市魚花爭上九春船愁同百丈盡情
牽

點絳脣

分付東風卷愁西向秦天去窺頭香乳舊解貂衣處

那日花開持取歌金縷鞍難駐淚和紅雨半濕關門樹

又

看殺春山翠眉何必長如許黛邊煙雨莫使人描取

詞

掩映高樓花缺偏窺汝斑枝樹令裁無數遮盡芙蓉路

小桃紅

不怨春光去不望春光住只願愁人一年一度與花相
遇縱青霜白雪總盈頭也爲鶯燕主花作誰家絮鶯
作誰家語化蝶韓妻乘鸞秦女總歸塵土且安排紅酒
紫金杯聽玉兒低訴

傷情怨

枝間紅淚漸少喜杜鵑開了收拾春心休從花內老
憐他梅子尚小打乳鶯一二難到入口先酸青黃愁未

登

賀聖朝

巫山一望堪愁絕，况蒼蒼烟月。三聲猿嘯一聲流淚兩
聲流血。瞿塘纜上那知白髮已毵毵如雪多因神女
氤氳香雨無端相接。

酒泉子 三原元夕

鄭國渠邊寶馬亂嘶秦月滿城燈挂白楊枝上元時
彈箏打碟響參差曲曲口西關外邊聲多半是相思少
人知

又

猶記踏青煙煖三原春正豔喜涇陽人盡至又頻陽

詞

三

二城南北花相向總是姑蘇樣眼紗不戴香羈土任端
相

減字木蘭花

梨花未絕朶朶沾泥猶是雪欲嫁東風自有蠶媒送落
紅 連朝煙雨一見春光都欲語酌酒庭前忍舍鶯聲
去晝眠

天仙子

雙鬢但將蝴蝶賽露花油好嫌香大吳聞學得牡丹頭
釵不戴珠不愛只有一枝蘭作態

又

自織織織嬌女葛罪罪蟬翼同輕滑裁爲夫媚夏時衣
風莫縐汗莫透管取清涼長似舊

搗練子

春欲去去天涯片片殘紅是落霞蝴蝶飛過蝴蝶艸鷓
鴒啼上鷓鴒花

謁金門

望廬山

煙水外染得一天螺黛欲雨山腰先作帶瀑泉添幾泓
春色氤氳長在一片雲城雲海點點芙蓉看漸大欲
從天際采

巫山一段雲

詞

三

片片瑤姬影飛來最有情朝朝暮暮不分明愁與夢魂
凝雲濕疑行雨峰開似刻屏髻鬟染得一天青一采
一仙靈

如夢令

一夕恩情似夢臂上猶書嬌鳳忻口再來時天曙更無
人送鶯呀鶯呀費盡春聲何用

江城子

春魂如雨復如煙暗吹斷落天邊無情花片相逐又明
年人笑海棠消瘦盡明鏡好尚相憐 軟同人柳只多
眠怕啼鴉到簾前愁壓青山不使黛雲妍枕簟爲誰寒

欲絕教竇鴨斷沈穉

掃花遊

題蒲衣子深廬

柳塘蕩漾正片片寒鷗亂紅爭浴問誰水曲把秦人洞
穴影藏深竹白犬黃雞亦愛漁郎信宿雨新足喜灌溉
稍閒能把書讀山翠低染屋恁耐得青青十眉春綠
傍簷種菊漸參差逗出數峰麋鹿玉甕霞浮儘爾神仙
厚祿過幽谷聽鶯聲又兼絲肉

念奴嬌

追和龔喬圃喜予
移家白門之作

昔年浮宅向金陵曾住莫愁湖口最是鍾山黃紫色未
遣逢牕辜負上岫牽舟傍橋作屋兒女同魚留殷勤公

詞

三

子笑饋鶯邊春酒更將画舸相迎秦淮人至新曲歌
紅藕正值燈船簫鼓起廿四航間如晝徹夜邀歡天明
忽隔庾嶺梅花口相思長在汝南無數煙柳白門有
汝南灣

清平樂

海棠綠短不牽風吹斷一朵依然紅玉軟留與粧樓寄
遠楊花未作浮萍枝間交映青青拾絮殷勤作枕郎
歸定愛芬馨

訴衷情

小妓

開唇只唱月兒高未熟小櫻桃雛鶯身似琵琶短短繡
花袍能勸客白酥醪綠葡萄蛾眉教画鳥爪教搔莫

弄檀槽

阮郎歸

春來莫使杜鵑知
杜鵑花已飛海棠更是淚紅時
片片付游絲
琴不弄酒空持
愁心盡在眉裙邊
蛺蝶怕風吹
房簾深自垂

散天花

浪花

吹作芙蓉上下飛
天邊纖手散是江妃
風爲根蒂水爲枝
天然冰朶幻出漣漪
舞入雲中不用衣
沙鷗驚復下欲銜時
依依不忍別斜暉
爲伊春不用自芳菲

一斛珠

題林文木琴區看竹圖

詞

五

蕭疎翠竹美人手
瓜時相觸
枝枝葉葉如新沐
寫向鸚綾看
盡瀟湘綠
水綃細摺成春服
針神更使人如干
絲絲難繡文章腹
腹裏流光點映篔簹谷

燕歸梁

幾片春光燕嘴邊
紅濕露啼
鮮海棠絲短也相牽
殘夢後斷魂前
粉餘飛雪香消
沉水無計更留仙
東風好送向花田
蘭麝土早成煙

江南春

花已攪柳還牽
荷絲縈一縷
荷葉疊千錢
苦心成藕悲蓮子
蓮子成時郎不憐

柳梢青

綠艸萋萋一春愁望祇在花溪北地香魂南朝碧血纔
付鶻啼 征人一騎遠西共誰宿黃駝白氍朝逐風笳
暮歸水窖可念深閨

一斛珠

媚兒開袖芙蓉花出櫻桃口多生定念蓮經否欲吐芳
香輒自含辭久 荷葉不離雙玉手朝朝暮暮來擎酒
半醕方肯歌紅豆不信嬌鶯似爾春聲溜 歐陽文忠公
有姬姓盧名
媚兒姿貌端秀口中作芙蓉花香有蜀
僧曰此人前身爲尼巖法華經二十年

又

詞

海棠絲短輸他楊柳絲難斷流鶯繫得枝枝滿莫只貪
眠不耐腰身軟 花絮無情風自亂眉痕一任春深淺
生憎一樹含煙煖每共芭蕉片片心舒卷

山亭宴

襖餘上巳過三日清明棟花堪摘知是幾番風乍寒暖
春醪少力杜鵑啼得杜鵑開淚紅處榴裙無色辛苦汝
流鶯拾不盡儂香魄 裊空半逐遊絲入又吹散蝶黃
碾白儘意葬芳菲做慘淡煙乾雨濕新時爭似故時憐
此一度倍生悽惻情去住留仙綵履那堪執

垂楊

暮春容畧城假寓黃氏池亭有作

芳春欲杪漸荔枝叶蕊木棉殘了細雨含煙未成流水
滂沱小甘溪遣送清泉皎主人雅玉缸分到潑茶香裏
坐松間對鳳山娟妙聞說鱗魚吏早已三五蛋郎竹
竿輕嫺喜住灘頭不愁紅頰櫻桃少花醪况是茶蘼造
任酣暢鶯聲四遠流連忘却歸舟情太好

十二時

送蒲衣子入山

送君歸亂山歸去婚嫁參差都了想竟似無情春杳不
使鶯花纏繞玩弄清琴沉酣玉醴怕不成仙道且養壽
影滅嬋娟却笑蔡家猶愛織纖姑爪顏未衰心花意
蕊况有十分光皎鏡裏復紅分明大藥不在丹干好引

詞

三七

嘯時有鳳飛身欲在煙杪恨此生芽龍未徧五嶽猶
牽懷抱莫學盧耽翩翩毛羽拂盡洲和島恐去家未久
歸來但見華表

蝶戀花

春情

似雨如晴春乍暖漠漠輕煙未肯含愁淺悵望不知人
已遠踏紅似向花間囀亂落杜鵑餘幾片付與遊絲
莫被風吹斷紫燕銜香知有怨怨他情與東君短

天仙子

翡翠蘭開如翡翠朶朶教人長日醉玉壺無酒又春愁
因柳色怕登樓一任年光逐水流

古調笑

蝴蝶蝴蝶片片如花似葉休教亂舞春風攪起苔間墜
紅紅墜紅墜半化胭脂香淚

又

楊柳楊柳日日長條在手流鶯何苦多情啼到枝邊月
明月明月冷浸滿頭冰雪

虞美人

無風亦向朱欄舞情爲君王苦烏江不渡爲紅顏忍使
香魂無主獨東還春含古血看翁暖巧作紅深淺花
前休唱楚人歌恐惹英雄又喚奈虞何

詞

三

燕歸梁

不是棠梨卽杜鵑一路含煙更多蝴蝶化嬋娟春如夢
尚茫然清明幾度披芳艸餘蘭麝在重泉三聲寄與
峽中猿向冷月任哀酸

酹相思

慘淡秋缸花易謝苦風入從窗罅悄難睡無人棋共下
一點雨芭蕉打雨點兩芭蕉打繞砌寒蛩啼未罷各
自訴斷腸語孤客蘭房長守寡一點淚胭脂灑兩點淚
胭脂灑

七娘子

愁來有路從煙草東風不把麝蕪掃
絲絲長將愁縈繞
萋萋一片先春老
紫駟驕向香泥倒
綠草紅濕多
行潦欲問蘿村無人知道
萍蓬不覺山花好

明月逐人來

秋夕與內子昭平夫人小酌

梅花閒釀芙蓉扣
尚秋蟾照翠被
水亮夜寒多
露休把深杯讓
早識卿卿雅量
難得鴛鴦白首情
逾酣暢
雙簫起聲嫌輕颺
月斜未睡猶倚簾櫳
望隱隱朝雞初唱

琴調相思引

怕見春山不上樓
煙含春恨雨含愁
茫茫歸思不共夕陽收
海燕多情偏易去
邊鴻無主總難留
淒淒孤館

詞

三九

苦住更何求

茶瓶兒

正悄寒時人獨臥
雪吹亂紛紛
風簸花細難成
朶錦衾空冷
一片層冰裏
天遣多情眞苦我
更白髮催人無那
草草青春過
酒慵花懶但掩窗兒坐

漁歌子

素馨紅素馨
綠素馨
紅綠看難足
穿茉莉貫芙蓉
持作玲瓏花屋
旖旎香宜新浴
離支膏滑
慚非玉捐
麝片屏
穢沉怕亂水肌眞覆

春光好

花似笑柳如愁總風流獨有傷春人不好雪盈頭
檜
池乳燕鳴鳩一箇箇雙棲画樓不肯拆開飛教子趁風
柔

明月逐人來 新月

眉痕輕碧纖纖初畫微開鏡素娥無力免見何處相顧
無消息待滿雌雄方識 誰見娟娟不向蘭閨深憶蛾
長短無人憐惜兩頭青黛應似春山滴祇怕愁烟空積

詞終

詞

單

